

Zeitschrift: Bündner Schulblatt = Bollettino scolastico grigione = Fegl scolastic
grischun

Herausgeber: Lehrpersonen Graubünden

Band: 65 (2003-2004)

Heft: 6: Impulse für den Unterricht

Rubrik: Pagina rumantscha

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 29.03.2025

ETH-Bibliothek Zürich, E-Periodica, <https://www.e-periodica.ch>

Intervista

cun Gianmarco Spreiter, Trin Digg, seminarist 2. OS (cuort avon la patenta)

Il Fegl scolastic ha vului saver da Gianmarco Spreiter, seminarist dalla 2. OS, tgei ch'el patratga da sia clamada sco scolast, co el vesa siu avegnir professional e tgei ch'el manegia dalla scolaziun ch'el ei sin finir. Cun Gianmarco ha Martin Mathiuet discurreu.


1. GMS Ti fas uss il davos praticum sco seminarist. Tgei plai e tgei plai buca vid la lavur da scolast?

Jeu lavurel fetg bugen ensemen cun affons. Els ein fetg sincers e dian agradora tgei ch'els patratgan. Cumparegliu cun autras professiuns survegnel jeu sco scolast pli exacts «feedbacks». Sche l'instrucziun ei li-ungurusa, fan ils affons directamein da saver quei a mi. Els van buca tiel cussegl da scola a comunicar quei, mobein dian ei a mi. Ils affons emprendan en scola caussas ch'els vegnan a duvra pli tard ella veta. Il fetg ch'jeu astgel mussar ad in affon da quintar, scriver, leger e schizun semuentar, motivescha mei da dar scola.

Tgei che plai buca a mi vid la lavur da scolast e la rolla da polizist. Co jeu hai viu els praticums, han ils affons adina pli paucas rete-nientschas; els fan buca ils pensums, seditan per part impertinent enviers il scolast/la scolasta ni ein aggressiv enviers auters affons. Ils scolasts vegnan sfurzai da far controllas da pausa, observar meglier ils affons durant las lezziuns, controllar adina ils pensums da casa e far discussiuns culs geniturs. Quellas caussas demotiveschan mei propi da dar scola!

2. Co vesas ti tiu avegnir professional?

Suenter il seminari less jeu studegiar sport all'uni giu Basilea. Scolast da sport ei dapi la scola secundara mia finamira ed ord quei motiv sundel jeu in summa vegnius sin l'idea da fa il seminari scolastic sco basa professionala. Cun quei che la recruta cuozza ussa 21 jamnas, stoss jeu stuschar per in onn il studi da sport. En quei onn dess jeu bugen scola en fuorma da substituiziuns, per buca piarder il contact tier quella professiun.



3. Sche ti miras anavos sin il temps da seminari; co ei la preparaziun sin la veta professionala stada? Tgei para a Ti bien – nua munchentas Ti certas caussas ella scolaziun?

Tgei che para a mi bien ei il sistem dalla scolaziun pratica. Durant il seminari superiur havein nus giu relativamein biars praticums en differentas regiuns e sin differentas modas. En mintga praticum havein nus exercitau certas caussas ed essan aschia sesviluppai pass per pass. Cun quei ch'il diember ed il cuoz dils praticums ei adina vegnius pli gronds, essan nus buca vegni fiers ell'aua freida, mobein havein giu la pusseivladad da far atras il process dil scolar tiel scolast. Nus havein era simulau ed analisau discuers da presentaziun per in piazza e seras da geniturs, tgei ch'jeu hai quitaun fetg bien.

Tgei ch'jeu criticheschel vid il seminari ei ch'ins prepara nus tenor mei buca avunda per las caussas elementaras dalla metodica dall'instrucziun. In auter punct negativ ei che nus havein buca empriu endretg il niev sistem digl attestat. Quei stuess in scolast giuven saver sch'el entscheiva in piazza!

4. Tgei «tenor» visavi la professiun da scolastA aud'ins en vossa classa?

En nossa classa aud'ins differentas caussas. Biars ein fetg motivai e selegran per la piazza, auters han suenter different praticums avunda ed ein aunc buca segirs sch'els vulan in summa dar scola. Jeu sai

denton buca co ei tuna ussa, suenter il secund praticum grond. La veglia da dar scola dependa en mintga cass fetg dils menturs. Vegnan quels da motivar ils praticants, influenzescha quei fetg igl avenir professionala da quels.

5. Ei semuossa adina puspei che scolastAs giuven fan buna lavur culs scolars mo han magari difficultads da seconversar cun geniturs e Cussegl scola? Co vesas ti quei? E co essas vegni preparai per quei?

Sco detg havein nus simulau discuers da presentaziun e seras da geniturs. Nus havein denton mai empriu co seconversar cun geniturs ni cul cussegl da scola. Ei fuss in grond avantatg sche nus discuressen sur quei en scola e survegnessen tips. Jeu patratgel oravontut vid tips pertuccont la preparaziun per discuers da geniturs.